

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 65758 23 Su
Kakanj, 16.06.2023.godine

Na osnovu člana 31.stav 1. Zakona o sudovima u Federaciji BiH ("Službene novine Federacije BiH" broj: 38/05, 22/06, 64/10, 7/13, 52/14 i 85/21), člana 8.tč. k) Pravilnika o unutrašnjem sudskom poslovanju („Službeni glasnik Bosne i Hercegovine“ br.66/12 , 54/17, 60/17, 30/18 i 83/22) i tačke 3.3 alineja a.) Smjernica za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini od februara 2015.godine, Predsjednik suda donosi:

ODLUKU

o imenovanju savjetnice i savjetnika za prevenciju seksualnog i rodno zasnovanog uznemiravanja u Općinskom sudu u Kakanju

Član 1.

Državni službenici Aida Gondžo i Mirza Imamović, imenuju se za savjetnicu/savjetnika za prevenciju seksualnog i rodno zasnovanog uznemiravanja u Općinskom sudu u Kakanju (u daljem tekstu: savjetnici).

Član 2.

Savjetnici se imenuju na period od četiri godine.

Član 3.

Poslovi koje će savjetnici obavljati određeni su Smjernicama za prevenciju seksualnog i rodno zasnovanog uznemiravanja u pravosudnim institucijama u Bosni i Hercegovini (u daljem tekstu :Smjernice) i sastoje se od provođenja interne procedure za preventivno djelovanje:

- zaprima zahtjev za pomoć od osobe koja je izložena neželjenom ponašanju;
- informiše osobu izloženu neželjenom ponašanju o njenim pravima;
- obavještava osobu koja ispoljava neželjeno ponašanje o pokretanju interne procedure i poduzima dalje korake prema osobi koja ispoljava neželjeno ponašanje u skladu sa uputstvima iz Smjernica;
- dostavlja povratnu informaciju o poduzetim radnjama osobi koja je izložena neželjenom ponašanju i obavještava je o sadržaju obrazloženja/izjašnjenja osobe koja ispoljava neželjeno ponašanje u skladu sa Smjernicama;
- vodi povjerljivu službenu evidenciju o poduzetim radnjama u vezi primjene interne procedure i sačinjava povjerljiv izvještaj u vezi sa provedenom procedurom;

- redovno izvještava predsjednika suda o poduzetim radnjama povodom interne procedure;
- preduzima preventivne radnje posrednog karaktera u skladu sa Smjernicama;
- priprema godišnji izvještaj koji sadrži pregled stanja u vezi sa prevencijom seksualnog i rodno zasnovanog uznemiravanja u sudu;
- provodi orijentacijsku obuku zaposlenih osoba u sudu, u skladu sa Smjernicama i upoznaje uposlenike sa sadržajem Smjernica, te procedurom u slučaju ispoljavanja neželjenog ponašanja.

Član 4.

Savjetnici su dužni pohađati obuke o prevenciji seksualnog i rodno zasnovanog uznemiravanja koju organizira i provodi DCAF i Atlanska inicijativa uz saglasnost VSTV-a Bosne i Hercegovine.

Član 5.

Ova Odluka stupa na snagu danom donošenja.

Član 6.

Stupanjem na osnagu ove Odluke prestaje da važi Odluka broj: 36 0 Su 049178 19 Su od 17.06.2019.godine zbog isteka mandata imenovane savjetnice.



Predsjednik suda

Eldar Zaimović

Dostaviti:

1. imenovanim
2. VSTV (Ehlimana Medjić), putem e-maila
3. svim zaposlenim putem e-maila
4. dosije
5. a/a